



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 79. Bajonna a Gallis capta

[urn:nbn:de:hbz:466:1-66507](#)

Gasto præpediente ætatis vitio delibe- Sæcul. XV.
A.C 1451.
randi copiam non haberet, amplum ei a
Rege datum est temporis spatium, quo
judicij maturitatem asscutus, decerne-
ret, an Gallorum partibus adhærere vel-
let. Hæ conditiones die tertia decima
Junii, quæ erat dominica, utrinque con-
clusæ, ac proprio chirographo munitæ
suerunt.

§. LXXVIII.

Rex Talleburgi.

Cum Urbs Bajonna pactis per Burdega-
lenses initis accedere, ac comprehen-
di pertinacius reluctaretur. Rex Turo-
nia discedens, per Aquitanniam Talle-
burgum usque processit, ubi mediæ ex-
ercitus partem a se dimisit, ut militiæ
laboribus fractas restauraret vires, alteram
vero ad hujus urbis obsidionem impen-
dit, Dunensis autem, & Fuxensis Co-
mites, quibus Bajonnam oppugnandi da-
tum est negotium, die sexta Augusti mi-
litiam admoverunt, simulque valla, in qui-
bus locarentur tormenta, erigi jusserant.

§. LXXIX.

Bajonna a Gallis capta.

Mox obsessi infestis armis in Gallos e-
rumpunt, ac Bernardum de Bearnia
in cruce vulnerant. Altera die Galli au-
X 4 tis

Sæcul. XV. Etis animis aggressionem instaurant, pluri-
A.C. 1451. bus in locis tormenta constituunt, ac

primum quidem suburbium occupant, cum vero proprius mænibus imminerent, obfessi urbem vi tandem expugnatum iri pertimescentes, die vigesima Mensis Augusti feria sexta ditionem flagitant, re insolita tam repentinum consilium sugerente; quippe eodem die, orto vix sole, & cœlo sereno ac nebulis vacuo, urbi in aere impendentem observabant candidi coloris crucem, omnium oculis dimidia horæ parte conspicuam. Bajonnes Phœnomenon in Religionem vertentes, hac cruce sibi annuntiari credebant, Dei voluntatem esse, ut signis Anglorum, quæ rubram Crucem præferebant, eversis, Gallorum vexilla cruce alba insignita defigerent, hoc igitur portento seu vero seu imaginario perterriti Bajonnes Gallis manus dederunt, Joanne Bellmontio urbis Praefecto, omniq[ue] præfidiario milite jure belli in captivitatem abstracto. Urbs quoque in pertinaciæ, qua ditionem primo oblatam respuit, poenam ad quadraginta millium aureorum mulctam exsolvendam damnata est.

§. LXXX.

Angli propriæ ruinæ caufa.

Ita Rex Galliæ spatio duorum mensium
necdum